

Himno al Santo Cristo de Lezo

*escrito por los años de 1845 por el poeta donostiarra José Vicente de Echagaray,
y cantado por los romeros de aquella época.*



Erromerian dator jendea
Lezoko Kristorengana,
Zeren munduak ondo dakien
Chit miragarria dana:
Dijoazenak ta datozenak
Lezon daukat meaztarra,
Biotz barrendi egiñarekin
Beren damuaz negarra.

Euskal-erriko guztiak, eta
Millaka erbestekoak,
Dira Lezoko Santo Kristoren
Egiazko debotoak:
Lasterka datoz ager egiten
Pekatu antziñakoak,
Damuarekin Gurutzeari
Galdezka barkazioak.

Mutuak, gorrak, ichu ta errenak
Lezoko eleiza onetan

ikusi dira, ez bein bakarrik,
Baña bai asko alditan;
Itza egiten, ondo entzuten
Argitzen, ibill lasterkan,
Fedarekin erreguturik
Santo Kristoren oñetan.

Ez da eririk, ez da gasorik
Dolore ta samiñikan,
Lezoko Kristo miragarriak
Sendatuko ez duenikan;
Denborarekin batzuek, eta
Beste asko bertatikan,
Fedarekin biotz barrendik
Umill erreguturikan.

Ichasoetan erdi itoak
Egon diraden jendeak,
Salbatu ditu milla ta milla
Gurutze Santu gureak:
Promesa egin ta ekarri ditu
Esker on era fedeak
Negar malkoa dariotela
Ala zar nola gazteak.

Katibuturik egon diranak
Kate burnizkoz lotuak,
Legen zauriaz denbora luzez
Urrikari bizituak:
Lezon arkitu izan dituzte
Erremedio zerukoak;
Au ta geiago egiten daki
Gurutz Santu bertakoak.

Kristaurikan dan gaiztoenak,
Biotzik dan gogorrenak,

Zeruko bide berdiñ ederra
Lezon daukate dianak:
Beterik amar mandamentuak
Kristori dagozkionak,
Bere grazia Santua laster,
Betiko dauka gizonak.

Gurutze Santu miragarriak
Mundu guztian du fama,
Zeren beraren amorioak
Gordetzen duen anima:
Bitartekotzat ipiñirikan
Maria Birjiña Ama,
Urrikiaren galdezka gaude
Gure jabe eta Jauna.

Lezora guazen fedearekin,
An dago Zeruko Jauna,
Gurutze baten iltzez josia,
Besoak zabal gugana.

